

μαθήσεως. σχῆμα enim, vt & μορφή, non notant speciem. noui generis, neque sunt in prædicamento substantiæ, sed pertinent ad quartam speciem Qualitatis.

A Qualitate igitur transilire in substantiam & μετασχημάτισιν conuertere in μέγισται vel ἀνίσταται, temeritatis non tantum, sed & falsimonii est. Vnde hæc ipsa Pauli verba satis superque origenicam opinionem refutant, & ad veriore sententiam indagandam nos ablegant. Tempus igitur est, vt nunc finem imponamus examini falsarum 4. opinionum, & ad veriora conuertamur,

## CAPVT VI.

CONCLUSIONES ET FUNDAMENTA, quæ ad veriore sententiam indagandam maximè faciunt.

Vidimus & excussimus hucusque opiniones veteres eorum, qui non rectè de corpore spirituali senserunt: tum vt constare possit, quid non sit corpus spirituale, tum vt λύσις τῶν ἐναντίων solutio cōtrariorum sit nobis εὐρεῖς inuentio veritatis, & vt ἀπορίαι adnbitatio sit εὐπορίαι scaturigo verioris sententiæ, vt loqui solet *Aristoteles*. Quam vt facilius venari possimus, duo hîc collocabimus fundamenta seu conclusiones, quas firmis rationibus muniemus, in quibus si perstiterimus, apertus nobis erit ad veram sententiam adytus. Sit ergo  
prima